

Allannguutissat siunnersuut

uunga

Uunga siunnersuut: Inuussutissat pillugit Inatsisartut inatsisaata allanngortinneqarnera pillugu Inatsisartut inatsisaat nr. xxk, xx.xxxx 2019-imeersoq.

Aappassaanneerinissamut Naalakkersuisunit saqqummiunneqartoq

§ 49-mut

1. § 49, imm. 1, nr. 2 imatut oqaasertalerneqassaaq:

”2) § 8, imm. 1, § 8, imm. 3, §§ 39-42, aamma § 43, imm. 1. malillugit peqqussutininik malinninngitsoq imaluunniit inerteqqutinik piumasagaataasunilluunniit unioqqutitsisoq.”

2. § 49, imm. 2-3, imatut oqaasertalerneqassaaq:

”Imm. 2. § 6, imm. 3, § 7, imm. 2 aamma 4, § 8, imm. 2, § 9, § 10, imm. 2, §§ 11-15, § 17, imm. 2, § 18, imm. 2, § 22, §§ 25-31, § 33, § 34, imm. 1, § 35, imm. 1, § 36, 38, imm. 2, § 43, imm. 2, aamma § 47 malillugit najoqqutassatut malittarisassani aalajangersarneqartuni aalajangersarneqarsinnaavoq najoqqutassatut malittarisassani aalajangersakkanik unioqqutitsineq akiliisitsinermik kinguneqarsinnaasoq.

Imm. 3. Inatsisartut inatsisaat imaluunniit maligassat atuutilersinneqartut Inatsisartut inatsisaat akilii-sitsissummik aalajangersaanissamik tunngavissaqartitsippata, akiliisitsissut Kalaallit Nunaanni Pinerluttulerinermi inatsimmi kapitali 5-imi malittarisassat malillugit inatsisitigut pisinnaati-taasoq pisussaataaasorlu akiliisitsissummut akileeqqullugu peqquneqarsinnaavoq.”

Allannguutissat siunnersuummut nassuiaatit

Nassuiaatit nalinginnaasut

Inuussutissat pillugit Inatsisartut inatsisaat nr. xx, xx xxx 2019-imeersoq inatsisilerinermut tunngatillugu misissuereernikkut iluarsineqassasoq siunnersuutigineqarpoq, paasineqarmammi inatsisilerinermut tunngatillugu siunnersuummi § 49-imi naapertuutinngitsoqartoq. Taamaalilluni allannguutissat siunnersuutikkut siunnersuummi iliuuserineqartussatut aalajangersakkat innersuussinerillu eqqortuunissaasa isumannaarneqarnissaat siunertaavoq.

Siunnersuummi § 49, imm. 3-mut nassuiaatini Kalaallit Nunaannut pinerluttulerinermi inatsimmi § 12-imut kukkusumik innersuussisoqarsimanera paasineqarpoq. Taamaammat tassunga nassuiaatit siunnersuummut immikkut oqaaseqaatini nr. 3 ilanngunneqarpoq.

Allanguutitut siunnersuut aningaasatigut allaffissornikkulluunniit kinguneqassanngilaq.

Allanguutissatut siunnersuummi aalajangersakkanut ataasiakkaanut nassuiaatit

Nr. 1-imut

Allangortitsineq teknikikkut iluarsineruvoq, tassami § 8, imm. 1 aamma § 8, imm. 3 peqqussummik, inerteqummik piumasaqaatinillu unioqqutitsinermik imaqarmata § 49, imm. 1, nr. 2-mut ilaareersunik.

Nr. 2-mut

Imm. 2-mut

Allangortitsineq teknikikkut iluarsineruvoq, tassami § 8, imm. 2 inatsimmi tunngavissatut paragraffiummat § 49, imm. 2-mut ilaareersaq.

Imm. 3-mut

Kalaallit Nunaannut pinerluttulerinermi inatsimmi kapitali 5, §§ 17-19-imi takuneqarsinnaavoq ingerlatseqatigiiffinnut il.il. pinerluttulerinermi inatsisitigut akisussaaffiit pillugit aalajangersakkanut ilaasut, allanik aalajangiisoqarsimangippat, kinaluunniit inatsisitigut akisussaasoq, matumani aktiaateqarluni, piginneqataasutut piginnaatitaalluni aamma piginneqataassuteqarluni ingerlatseqatigiiffiit, soqutigisaqaqatigiiffiit, peqatigiiffiit, aningaasaateqarfiit, pigisat agguaassassat, kommunit, namminersorlutik oqartussani oqartussaasut aamma naalagaaffimmi oqartussaasut ilanngullugit.